

Gipailaila sa Mailbox Club ang...



Pangalan



EXPLORERS 1

ANG SULOD SA WORKBOOK

LEKSIYON

- 1** Unsa susama ang Ginoo? (Una'ng Bahin).....page 1
- 2** Unsa susama ang Ginoo? (Ika-Duhang Bahin)..page 9
- 3** Asa kita gikan?.....page 17
- 4** Kinsa ang ato'ng Kaaway?.....page 25
- 5** Kinsa ang Gisaad nga Manluluwas?.....page 33
- 6** Si Jesus Buhi Karon!.....page 41
- 7** Upat ka Pangutana.....page 49
- 8** Mamahimo Ako nga Anak sa Ginoo!.....page 57
- 9** Mubalik si Jesus Pag-usab!.....page 65
- 10** Upat ka Butang nga Buot sa Ginoo nga ako'ng Mahibal-an.....page 73
- 11** Bag-o nga Binuhat kang Cristo.....page 81
- 12** Ang Pinaka-maayong Gasa sa Ginoo.....page 89

CEBUANO EXPLORERS 1 WORKBOOK: ISBN 978-1-947500-13-6 www.mailboxclub.org

NOTE: Good News Translation (GNT) Copyright © 1992 by American Bible Society. We reserve the right to translate from the original texts where necessary to make the meaning clear to the reader.

Copyright © 2018 Explorers 1 The Mailbox Club International Illustrations by Stephen Bates

UNSA SUSAMA ANG DIOS?

(UNA'NG BAHIN)

Pinalangga'ng Higala,
Nakapangutana ka na
ba kung kinsa ug unsa
ang Dios? Ang Dios
hilabihan kadako ug
makahibulungan nga dili
nato matugkad ang tanan
nga mahitungod Kaniya.
Apan mihatag ang Dios og
usa ka makahibulungan
nga libro nga nagahisgot
mahitungod Kaniya.

Unsa man kini nga libro? Mao kini ang Biblia, ang Pulong sa Dios. Ang Biblia nagaingon nga ang tanan gibuhat sa Dios. Gibuhat sa Dios ang adlaw ug ang bulan. Gibuhat usab niya ang milyun-milyon nga mga bituon nga nagasidlak-sidlak sa kalangitan ibabaw kanato. Gibuhat sa Dios ang kalibutan. Gibuhat sa Dios ang mga langgam, mga isda, ug mga hayop. Unya, gibuhat sa Dios ang una'ng lalaki ug babayi.

Ngano'ng gibuhat kita sa Dios?
Gibuhat kita sa Dios aron ato Siya'ng higugmaon ug aron kita higugmaon usab Niya. Nakaila ang Dios sa matag-usa kanato ug gihigugma Niya ang matag-usa kanato.

Gikahimut-an pag-ayo sa Dios
ang ato'ng tinguha nga makaila ug mahigugma Kaniya. Ang pag-ila ug paghigugma sa Dios ang pinakalabi'ng maayo nga butang nga ato'ng mahimo. Makahatag kini kanato og tumang kalipay.

Dinhi niini'ng pagtulun-an makitan nato kung unsa ang giingun sa Biblia mahitungod sa Dios. Ato'ng makat-unan ang lima ka mga mahinungdanong mga butang mahitungod sa ato'ng kahibulungang

- 1 Dios nga nahigugma kanato pag-ayo.

ANG DIOS PERSONAL NGA DIOS

Aduna lama’y usa ka Dios—ang tinuod ug buhi nga Dios. Siya miingon “Ako mao ang Dios ug wala na’y lain, wala’y dios gawas kanako...” (Isaias 45:5).

Ang Dios dili usa ka puwersa. Ang Dios usa ka personal nga Dios nga nahigugma sa matag usa kanato. Mahimuot ang Dios kung buot nato Siya nga mailhan. Labaw sa tanan, buot sa Dios nga ato Siya’ng higugmaon sa tibuok nato’ng kasingkasing.

ANG DIOS ESPIRITU

Bisan ang Dios usa ka personal nga Dios, wala Siya’y lawas nga sama kanato. Ang Dios Espiritu. Dili nato makita ang usa ka espiritu. Sa diha’ng gibuhat ka sa Dios, gihatagan ka Niya og lawas. Gihatagan usab ka Niya og espiritu. Ang imo’ng espiritu nagpuyo sa sulod sa imo’ng lawas. Makita sa ubang tawo ang imo’ng lawas, apan dili nila makita ang imo’ng espiritu.

Ang Dios Espiritu lamang. Mao kini ang hinungdan ngano’ng dili nato Siya makita. Giingnan kita sa Dios nga dili kita angayan maghimo og mga imahe aron murepresentar Kaniya. Giingnan usab kita Niya nga dili musimba sa mga imahe. Ang Biblia nag-ingon “Ang Dios Espiritu: ug sila nga nagasimba Kaniya kinahanglan nga musimba Kaniya sa espiritu ug kamatuoran.” (Juan 4:24)


Bisan ug dili nato Siya makita, ang Dios lamang ang nag-inusara’ng tinuod ug buhi nga Dios. Kung mailhan nato Siya, ato gayud Siya’ng pagahigugmaon. Kung ato pud Siya’ng higugmaon, buot pud nato Siya’ng pagasundon. Kung ato’ng mailhan ang Dios, atua Siya’ng higugmaon. Ug kung atua Siya’ng higugmaon, buot usab nato Siya’ng tumanon.

ANG DIOS MAHIMAYAON

Ang himaya sa Dios hilabihan kasulaw nga dili kita makaharong Kaniya. Dili gayud kita makatutok sa adlaw kung kini gasiga sa tumang kasidlak. Makasakit sa ato’ng mga mata. Kung ato kini’ng tutukan sa dugay nga higayon, mamahimo’ng mabuta kita.

Ang himaya sa Dios labaw pa sa adlaw. Mao kini ang hinungdan kung ngano’ng dili kita makaharong sa Dios. Ang Dios miingon “Wala’y ni bisan usa ka tawo nga makakita kanako nga mabuhi...” (Exodo 33:20).

Ang Biblia nagahisgot mahitungod sa usa ka tawo nga gihinganlan ug Moses. Si Moses usa ka pinalabi nga higala sa Dios. Siya nakig-istorya sa Dios, ug ang Dios nakig-istorya kaniya sa makadaghang higayon. Apan wala gayud makita ni Moses ang Dios.



Usa ka adlaw nangayo si Moses og usa ka talagsaon nga pabor gikan sa Dios. Si Moses miingon “Palihug, ipakita kanako ang Imo’ng himaya.” (Exodo 33:18).

Ang Dios miingon kang Moses, “Dili nimo makit-an ang Ako’ng panagway tungod kay wala’y ni bisan usa ka tawo nga makakita kanako nga mabuhi. Apan itago Ko ikaw sa mga bato, ug dayon mulabay Ako sa atubangan mo.”

Nag-inusara’ng misaka si Moses sa bungtod. Gitago siya sa Dios sa tunga sa mga dagko’ng bato. Unya gipaagi sa Dios ang Iya’ng himaya sa tungod ni Moses. Wala man tuod makit-an ni Moses ang Dios apan nakit-an niya ang diyutay sa himaya sa Dios, ug kini nakapadan-ag sa iya’ng panagway.

Pagkanaog ni Moses gikan sa bungtod, hilabihan kahayag ang iya’ng panagway nga nangahadlok ang mga tawo kaniya. Mao nga dili ikatingala nga miingon si Moses ug ang mga tawo nga, “Kinsa ang susama Kanimo, O Dios...kahibulongan sa kabalaan...? (Exodo 15:11).

ANG DIOS BALAAAN

Kini nagpasabot nga ang Dios putli ug perpekto ug wala’y bisan gamay nga sala. Sa Biblia, ang kangitngit usahay nagasimbolo sa sala. Ang Biblia nagahisgot niini mahitungod sa Dios, “Ang Dios kahayag, ug diha Kaniya wala gayo’y kangitngit (sala).” (1 Juan 1:5). Ang Biblia nagaingon “Ang Ginoo nga ato’ng Dios balaan” (Salmo 99:9).

Ang Dios puno sa kahayag ug himaya. Ang Dios putli. Ang Dios dili makasala. Ang Dios kanunay nga maayo ug tama. Wala’y sala nga pwede maggikan sa presensensya sa Dios. Ang Biblia nagaingon, “Ang Ginoo nga ato’ng Dios kay balaan” (Salmo 99:9).

Sa usa ka higayon, ang Dios misulti pinaagi sa panan-awon ngadto sa usa ka propeta nga ginganlan og Isaias. Ang panan-awon susama sa usa ka damgo. Nakakita si Isaias og usa ka panan-awon mahitungod sa Dios dinha sa Iya’ng trono. Sa palibot sa Iya’ng trono adunay daghang mga anghel, nagahimaya sa DIOS ug nagaingon, “Balaan, balaan, balaan, ang GINOO nga labi’ng gamhanan; nalukop ang tibook yuta sa Iya’ng himaya.” (Isaias 6:3)

Sa diha’ng nakita ni Isaias kini nga panan-awon, nahadlok siya. Ang panan-awon nagpakita kaniya nga siya usa ka makasasala ug ang Dios balaan.

ANG DIOS BALAAN



ANG DIOS GUGMA

Kini nagpasabot nga kita gihigugma sa Dios ug gusto Niya ang pinakamaayo alang kanato.

Unsaon nato pagkahibalo nga gihigugma kita sa Dios? Nakahibalo mi sa duha ka pamaagi:

- **Ang Dios mismo nagaingon.** Sa Iya'ng Pulong ang Ginoo nagaingon, "Gihigugma Ko ikaw uban ang gugma nga wala'y katapusan..." (Jeremias 31:3).
- **Gihatag sa Dios ang Iya'ng Anak** aron pas-anon ang silot alang sa ato'ng mga sala.

Gipadayag sa Dios ang Iya'ng dako'ng gugma kanato pinaagi sa paghatag sa Iya'ng Anak, ang Ginoo'ng Jesu-Cristo, aron mamatay sa krus alang sa ato'ng mga sala ug sa tanang dautang butang nga ato'ng nasulti ug nabuhat. Ang Biblia nagaingon, "...ang Dios nagpadayag sa Iya'ng gugma alang kanato sa diha'ng bisan makasasala pa kita, si Cristo namatay alang kanato." (Roma 5:8)

Basin ikaw gahunahuna niini, "Nahibalo kaha ang Dios sa tanang dautan nako'ng gisulti ug gibuhat?" Oo, nakabalo ang Dios mahitungod niini'ng tanan, apan gihigugma gihapon ka Niya sa tibuok Niya'ng kasingkasing.

Gihigugma ka Niya sa matag minuto sa imo'ng kinabuhi.

Ang Ginoo'ng Jesus namatay alang sa AKO'NG mga sala. Namatay Siya alang sa IMO'NG mga sala. Apan wala Siya nagpabiling patay. Nabanhaw Siya gikan sa lubnganan sa ikatulo'ng adlaw. Siya ang ato'ng buhi nga Manluluwas! Gusto sa Dios nga mutuo ka Kaniya isip nga Siya lamang mao ang namatay alang sa imo'ng mga sala ug nabanhaw pag-usab aron mahimo Siya nga imo'ng Manluluwas.

Nahibalo ka ba kung unsa ang gusto sa Dios nga imo'ng buhaton labaw sa tanan? Gusto Siya nga higugmaon mo Siya sa tibuok mo'ng kasingkasing!

Ikalipay sa Dios kung pilion mo ang paghigugma Kaniya sa tibuok mo'ng kasingkasing. Si Hari'ng David usa ka mahinungdanon nga lalaki sa Biblia. Iya'ng gipili nga higugmaon ang Dios. Siya miingon "Higugmaon ko Ikaw O Ginoo!" Kini nakapahimuot sa Dios, ug kahimut-an usab sa Dios pag-ayo kung imo'ng pilion ang paghigugma Kaniya susama sa gihimo ni Hari'ng David. Ania kini'ng usa ka pag-ampo nga makatabang kanimo:

"Pinalangga'ng Dios, nalipay ako pag-ayo nga gusto Nimo'ng higugmaon ko Ikaw. Gusto ko gayud nga higugmaon Ka sa tibuok ko'ng kasingkasing. Salamat sa paghigugma Nimo kanako pag-ayo nga Imo'ng gipadala ang Imo'ng Anak, ang Ginoo'ng Jesus, aron mamatay sa krus alang sa ako'ng mga sala."

Salamat O Dios nga
Imo'ng gihatag ang
Imo'ng Anak aron
mamatay alang sa
ako'ng mga sala.




“UNSAON KO NGA MAMAHIMO'NG ANAK SA DIOS?”

- A - Angkunon nga ako makasasala.
- B - Bug-os nga pagtuo kang Jesus isip mao'y namatay alang sa ako'ng mga sala.
- C - Si Cristo ang imo'ng duolan ug dawaton isip imo'ng Manluluwas.

“Ginoo'ng Jesus, pasaylua ako sa ako'ng mga sala.
Mituo ako nga Ikaw ang Anak sa Dios ug nga Ikaw
namatay alang sa ako'ng mga sala. Karong higayuna,
gidawat ko Ikaw isip ako'ng Manluluwas.”

AKO'NG MEMORY VERSE



“Gihigugma ko
Ikaw, O Ginoo.”

Salmo 18:1

PAGPANGITA OG BAHANDI

Gamita ang "Secret code" aron sulbaron ang Treasure Hunt puzzle.

MGA SEKRETO NGA SIMBOLO

A ⊙ B ⊙ D ⊙ G ⊕ H ⊕ I ⊙ K ⊙
M ⊗ N ⊙ O ⊙ S ⊕ T ⊕ U ⊕

⊕ ⊙ ⊕ ⊕ ⊕ ⊗ ⊙ ⊙ ⊙ ⊙ ⊕ ⊕ ⊕ ⊕ ⊕

H

⊕ ⊙ ⊕ ⊙ ⊙ ⊕ ⊙ ⊙ ⊗ ⊙ ⊙ ⊕

⊙ ⊙ ⊕ ⊙ ⊙ ⊕ ⊙ ⊙ ⊙ ⊙ ⊕ ⊕



PAHINA SA PANGUTANA

EXPLORERS 1 UNANG LEKSIYON

UNSAON NI? Pilia ang pinakasakto'ng tubag - a o b. Isulat ang tubag sa kahon nga anaa sa wala.

Pananglitan: Ang Langit usa ka dapit nga adunay

b

- a. gamay nga sala.
- b. wala'y sala.

1. Kinsa ang Dios?

- a. Ang Dios usa ka maayo'ng pwera sa kalangitan.
- b. Ang Dios usa ka personal nga Dios nga nakaila ug nahigugma kanato.

2. Dili nato makita ang Dios tungod

- a. ang Dios Espiritu ug dili nato makita ang espiritu.
- b. layo kaayo ang Dios mao nga dili nato Siya makita.

3. Kung giingon sa Biblia nga ang Dios balaan, pasabot niini nga

- a. buotan kaayo Siya.
- b. Siya putli ug wala'y bisan usa ka sala.

4. Kabalo ko nga gihigugma ako sa Dios tungod

- a. gipadala Niya ang Iya'ng bugtong Anak aron tubuson ang ako'ng mga sala.
- b. gibati lang nako.

5. Unsa ang gusto sa Dios nga ako'ng buhaton labaw sa tanan?

- a. Gusto niya nga ako Siya'ng mahalon sa tibuok nako nga kasingkasing.
- b. Gusto sa Dios nga mubuhat ko og daghan kaayo'ng mga maayo nga butang para sa Iyaha.

Isulat dinhi ang Bersikulo
sa pagtulun-an:



Isulat dinhi ang tubag
sa Treasure Hunt puzzle:

Pangalan _____

Pagkatawo / / Edad Grado

Ginikanan/Tigbantay _____

Address sa Mailing _____

Siyudad _____

Probinsya _____ ZIP/Postal Code _____

ANG AKO'NG LAKAW UBAN SI JESUS

1 Unsa ang pinakaimportante'ng butang nga imo'ng nakat-unan sa leksiyon karon?

2 Aduna ba'y mga butang sa leksiyon nga wala nimo nasabtan?

3 Aduna ka ba'y espesyal nga mga panginahanglanon o pag-ampo?

4 Giawhag ka namon nga magsugod sa usa ka journal. Isulat ang imong mga pagampo, pagdayeg, ug pagpasalamat sa Diyos!

